

CHINESE-JAPANESE LIBRARY  
HARVARD-YENCHING INSTITUTE  
AT HARVARD UNIVERSITY

NOV 1 1957

27

廿七



于鵠詩集目錄

江南曲

山中寄樊僕射

題宇文裒山寺讀書院

贈蘭若僧

題鄰居

山中自述

山中寄韋鉦

南谿書齋

夜會李太守宅

題柏臺山僧

寄續尊師

題南峯褚道士

贈不食姑

送李明府歸別業

題樹下禪師

宿王尊師隱居

題服柏先生



哭凌霄山光上人

塗中寄楊涉

送韋判官歸薊門

出塞 三首

贈李太守

送張司直入單于

惜花

春山居

遊瀑泉寺

送宮人入道歸山

巴女謠

公子行

長安遊

別齊太守

登古城

哭劉夫子

醉後寄山中友人

溫泉僧房

題美人

尋李暹

尋李逸人舊居

贈碧玉

舟中月明夜聞笛

送遷客 二首

贈王道者

題合溪乾洞

過張老園林

襄陽看花

哭王都護

餞司農宋卿立太尉

碑了還江東

送唐大夫讓節歸山

買山吟

古詞 三首

秦越人洞中詠

宿西山修下元齋詠

過凌霄洞天謁張先生祠

蚤上凌霄第六峯入紫谿禮白鶴觀祠



山中訪道者

寄盧儼負外秋衣詞

種樹

哭李暹

古輓歌 三首

悼孩子

別舊山

寄周惲

補遺

野田行

塞上曲

襄陽寒食

于鵠詩集目錄

于鵠詩集

江南曲

偶向江邊採白蘋還隨女伴賽江神衆中不敢  
分明語暗擲金錢卜遠人

山中寄樊僕射

憶東溪日同年事魯 英華作並學 儒僧房閑共宿酒

醉相扶天畔雙旌貴山中病客孤無謀 英華作媒 還

計春谷種桑榆

題宇文裒 一作襄 山寺讀書院

書林下寺不出動經年草閣連 英華作通 僧院山厨



石泉雲

英華作雪

庭無履跡龕壁有燈煙年少今頭

白刪詩到幾篇

贈蘭若僧

一身禪誦苦灑掃古花宮靜室門常閉深蘿月  
不通懸燈喬木上鳴磬亂幡中附入高僧傳長  
辨二遠公

題鄰居

僻巷鄰家少茅簷喜並居蒸梨常共竈澆薤亦  
同渠傳屐切尋藥分燈夜讀書雖然在城市還  
得似懸酒

山中自述

生平無名客空山獨卧秋病多知藥性年長信  
人愁瑩影自窓下松聲茅屋頭近來心更靜不  
夢世間遊

山中寄韋鉉

頽成身病日英華作似病因醉卧多時送客出谿少讀書  
終卷遲幽窓聞墜葉晴景見遊絲早晚來收藥  
門前有紫芝

南谿書齋

茅屋住來久山深不置門草生垂井口花落擁



千載詩集  
籬根入院將鷓鴣鳥尋蘿抱子猿曾逢異人說風景似桃源

夜會李太守宅

靜齋常夜掃英華作靜不卧獨吟詩把燭迎幽客升堂  
戴接離微風吹凍葉餘英華作殘雪落寒枝明日逢山  
僧須令隱者知

題栢臺山僧

上方唯一室禪定對山容行道臨孤壁持齋聽  
遠鐘枯藤離舊樹朽石落高英華作危峯不向雲間見  
遠應夢裏逢

天台山寄續尊師

侍道任髮白亦逢城市遊新經天上取稀藥洞  
中收春木帶枯葉新蒲生漫流年年望靈鶴常  
在此山頭

題南峯褚道士

得道南山久曾教四皓碁閉一作閑門醫病鶴倒篋  
養神龜松際風長在泉中草不衰誰知茅屋裏  
有路向峩峩

贈不食姑

不食非關藥天生是女仙見人還起拜留伴亦



開田無窟一作屋尋溪宿兼衣掃葉眠不知何代女

白帶剪刀錢

送李明府歸別業

奇家丹水邊歸去種春田白髮無知己空山又  
年鹿裘長酒氣茅屋有茶煙亦擬辭人世何  
處有瀑泉

題樹下禪師

久行多不定樹下是禪房寂寂心英華作身無住年年  
日自長蟲蛇同宿礪草木共經霜已見南人說  
天台有舊英華作上房

宿王尊師隱居

夜愛雲林好寒天月裏行青牛眠樹影白犬吠  
猿聲一磬山院靜千燈谿路明從來此峯客幾  
箇得長生

題服栢先生

服栢不飛鍊閑眠閉草堂有泉唯盥漱留火為  
焚香新雨閑門靜孤松滿院涼仍聞枕中術曾  
授漢淮王

哭凌霄山人

身沒碧峰裏門人改葬期買山尋主遠壘塔化



人遲鬼火穿一作燒空院秋螢入素帷黃昏溪路上  
聞哭竺軋師

途中寄楊涉

蕭蕭蘆荻晚一逕入荒陂日色雲收英華作輕處蛙聲  
雨歇時前村見來久羸馬自行遲聞作王門客

應閑英華作寒白接羅

送韋判官歸薊門

桑乾歸路遠聞說亦愁人有雪常經夏無花空  
到春下營雲外火收一作牧馬月中塵白首從戎客  
青衫未離身

出塞

忽嶺秋塵起全軍取月支山川引行陣蕃漢列  
旌旗轉戰疲兵少孤城外救遲邊人逢聖代不  
見偃戈時

又

微雪軍將一作將軍出吹笳天未明觀兵登古戍斬將  
對雙旌分陣瞻山勢潛兵制馬鳴如今青一作新史

上已有滅名

又

卑于嬌愛獵放火到軍城乘月調新馬一作弩防秋



且遠營空山朱戟影寒磧鐵衣聲度水逢英華作逢著降  
說沙陰有伏兵

贈李太守

幾年為郡守家似布衣貧沽酒迎幽客無金與  
近臣擣茶書院靜講易藥堂春歸闕功成後隨  
車有野人

送張司直入單于

若過并州北誰人不憶家塞深無伴侶英華作去伴路盡  
有平沙磧冷唯逢鴈天春不見花莫隨征將意  
垂老事輕車

惜花

夜來花欲盡始英華作偏惜兩三枝早起尋稀處閑眠  
記落時藥焦蜂自散蒂折蝶還移攀着殷勤別  
明年更有期

春山居

獨來多任性惟與白雲期深處花開盡遲眠人  
不知水流山暗處風起月明時望見南峯近年  
年嬾更移

遊瀑泉寺

日斜尋未遍古木寺高低粉壁猶遮嶺朱樓尚



隔溪厨窗通澗鼠殿跡立山雞更有無人處  
朝獨向西

送宮人入道歸山

十歲英華吹簫入漢宮看修水殿種芙蓉自傷白  
作五髮辭金屋許着黃衣向玉一作峯解語老猿開曉  
戶學飛鵝鶴落高松定知別後宮中伴應聽緜  
山半夜鍾

巴女謠

巴女騎牛唱竹枝藕絲菱葉傍江時不愁日暮  
還家錯記得芭蕉出槿籬

公子行

少年初拜大長秋半醉垂鞭見列侯馬上抱雞  
三市鬪袖中攜劍五陵遊玉簫金管迎歸院錦  
袖紅裝擁上樓更向苑西英華新買宅月波春水  
入門流

長安遊

久卧長安春復秋五侯長樂客長愁繡簾朱轂  
逢花住錦幘銀珂觸雨遊何處少年吹玉笛誰  
家鸚鵡語紅樓年年只是看他貴不及南山任  
白頭



別齊太守

花裏南樓春夜寒，還如王屋上天壇。歸山不道無明月，誰共相從到曉看。

登古城

獨上閑城却下遲，秋山慘慘塚壘壘。當時還有登城者，荒草如今知是誰。

哭劉夫子

近問南州客，云亡已數春。痛心曾受業，追服恨無親。孀婦歸鄉里，書齋屬四鄰。不知經亂後，奠祭有何人。

醉後寄山中友人

昨日山家春酒濃，野人相勸久從容。獨憶卸冠眠細草，不知誰送出深松。都忘醉後逢廉度，不省歸時見魯恭。知己尚嫌身醜，酩酊路人應恐笑。龍鍾

溫泉僧房

雲裏前朝寺，修行獨幾年。山村無施食，盥漱亦安禪。古塔巢溪鳥，深房閉谷泉。自言曾入室，知處梵王天。

題美人畫



秦女窺人不解羞攀花趁蝶出墻頭胸前空帶  
宜男草嫁得蕭郎愛遠遊

尋李暹

任性常多出人來得見稀市樓逢酒住野寺送  
僧歸簷下懸秋葉籬頭曬褐衣門前南北路誰  
肯入柴扉

尋李逸人舊居

舊隱松林下衝泉入兩涯琴書隨弟子雞犬在  
鄰家茅屋長黃菊蘂籬生白花幽墳無處訪恐  
是入煙霞

贈碧玉

新繡籠裙豈蕊花路人笑上返金車霓裳禁曲  
無人解暗問梨園弟子家

舟中月明夜聞笛

浦裏移舟候信風蘆花漠漠夜江空更深何處  
人吹笛疑是孤吟寒水中

送遷客二首

得罪誰人送來時不到家白頭無侍子多病回  
天涯莽蒼凌江水黃昏見塞花如今賈誼賦不  
漫說長沙



流人何處去萬里向江州孤驛瘴煙重行人巴  
草秋上帆南去遠送鴈北看愁遍問炎方客無  
人得白頭

贈王道者

去尋長不出門似絕人行床下石苔滿屋頭秋  
草生學琴寒月英華短寫易晚英華窻明唯到黃昏  
後溪中間磬聲

題合溪軋洞

渡水傍山尋絕壁白雲飛處洞天開仙人來往  
行無跡石逕春風長綠苔

過張老園林

身老無修飾頭巾用白紗開門朝掃逕輦一作瀟水  
夜澆花藥氣聞深巷桐陰到數家不愁還酒債  
腰下有丹砂

襄陽看花時因小蠻作

自小一作老大看花長不足江邊尋得數英華株紅黃昏  
人散東風起吹落誰家明月中

哭王都護

老將明王識臨終拜上公生口哀鄉路遠助葬一作戰  
戍城空素幔朱門裏銘旌秋巷中史官如不濫



獨傳說英雄

錢司農宋卿立太尉碑了還江東

追立新碑日憐君苦一身遠移深澗石助立故鄉人草色荒墳綠松陰古殿春平生心已遂歸去得垂綸

送唐大夫讓節

英華有度使二字

歸山

年老功成乞罷兵玉階匍匐進雙旌朱門鴛瓦為仙觀白領狐裘出帝城侍女休梳宮樣髻蕃童新改道家名到時浸髮春泉裏猶夢紅樓簫管聲

買山吟

買得幽山

一作居

屬漢陽槿籬踈處種枕榔唯有獼猴來往熟弄人拋果滿書堂

古詞

素絲帶金地窻間掬飛塵偷得鳳凰釵門前乞行人

又

新長青絲髮啞啞言語點隨人敲銅鏡街頭救明月

又

東家燕又



東家新長兒與妾同時生並長兩心熟到大相  
呼名

秦越人洞中詠

扁鵲得仙處傳是西南峯年年山下人長見騎  
白龍洞門黑無底日夜唯雷風清齋將入時戴  
星英華作花兼抱松石逕陰且寒地響知遠鍾似行山  
林外聞葉履聲重低礙更俯身漸遠晝夜同時  
時白蝙蝠飛入茅衣中行又路轉窄靜聞水淙  
淙但願逢一人自得朝天宮

宿西山修下元齋詠

幽人在何處松檜深冥冥西峯望紫雲知處安  
期生沐浴溪水暖新衣禮仙名脫屣入靜堂遶  
像隨禮行碧紗籠寒燈長幡綴金鈴林下聽法  
人起坐枯葉聲啓奏修律儀天曙山鳥鳴分行  
布管茅列坐滿中庭持齋候撞鍾玉函散寶經  
焚香開卷時照耀金室明投簡石洞深稱過上  
帝靈學道能苦心自古無不成

過凌霄洞天謁張先生祠

戢戢亂峯裏一峯獨凌天下看如尖高上有十  
里泉志英華作至人愛幽深一住五十年懸牘一作牘到其



上乘牛耕藥田衣食不下求乃是雲中山僧  
獨知處相引衝碧煙斷崖晝昏黑槎臬橫隻一作雙  
椽面壁攀石稜養力方敢前累歇日已沒始到  
茅堂邊見客不問誰禮質無周旋醉卧枕欹樹  
寒坐展青氈折松掃藜牀秋菓顏色鮮鍊蜜敲  
石炭洗澡乘暴泉白犬舐客衣驚走聞腥膻乃  
知軒冕徒寧比雲壑眠

早上凌霄第六峯入紫谿禮白鶴觀祠  
路轉第六峯傳是十里程放石試淺深硯壁虵  
鳥驚欲下先褰衣路底一作低避枯莖迴途歇嵌窟

整帶重冠纓及到紫石溪晦掩已天明漸近神  
仙居桂花濕溟溟陰苔無人蹤時得白鶴翎忽  
然見朱樓象牌題玉京沉沉五雲影香風散縈  
縈清齋上玉英華作列上堂窻戶懸水精青童撞英華作搗金  
屑杵臼聲丁丁膾腥遙問誰稽首稱姓名若容  
在溪口願乞殘雲英

山中訪道者

英華作入白芝溪尋黃尊師

觸煙入溪口岸岸

英華作茫茫

唯檉櫟其中盡

英華作飛

碧石流十

里不通屐出林山始轉絕徑緣峭壁把藤借行  
勢側足憑石脉齧牙斷行處光滑猿猱跡忽然



風景異乃到神仙宅天晴茅屋頭殘雲蒸氣白  
隔窻梳髮聲久立聞吹笛英華作憤抱琴出門來不顧  
人間客山院不灑掃四時自虛寂落葉埋長松  
出地纔數尺曾讀上清經知注長生籍願示不  
死方何山有瓊液

寄盧儼負外秋衣詞

寄遠空以心心誠亦難知篋中有秋帛裁作遠  
客衣縫製雖女功尺度手自持容貌常目中長  
短不復疑斜縫密且堅遊客多塵緇意欲都無  
言澣濯耐歲時殷勤託行人傳語慎勿遺別來

已年老亦聞鬢成絲縱然更相逢握手唯是悲  
所寄莫復棄願見長相思

種樹

一樹新栽益四鄰野夫如到舊山春樹成多是  
人先老垂白看他攀折人

哭李暹

驅馬街中哭送君靈車碾雪隔城聞唯有山僧  
與樵客共舁孤櫬入幽墳

古挽歌

雙轍出郭門綿綿東西道送死多於生幾人得



終老見此切肺肝英華作不如英華作歸山好不聞哀

哭聲默默安懷抱時盡從物化又免生憂擾世

間壽者稀盡為悲傷惱一作早

又

送哭誰家車靈車紫帶長青童抱何物明月與

香囊可惜羅衣色看昇入水泉莫愁埏道暗燒

漆得千年

又

陰一作切風吹黃蒿挽歌渡秋水車馬却歸城孤墳

月明一作明裏

悼孩子

年長始一男心亦頗自娛生來歲未周奄然却

歸無裸送不以衣瘞埋於中衢乳母抱出門所

生亦隨呼嬰孩無哭儀禮經不可踰親戚相問

時抑悲空歎吁襁褓在舊牀每見立踟躕靜思

益傷情一作惜畏老為獨夫

別舊山

舊伴同游盡却回雲中獨宿守花開自是去人

身漸老暮山流水任東來

寄周憚



家在荒陂長似秋  
蓼花芹葉水蟲幽  
去年相伴尋山客  
明月今宵何處遊

補遺

野田行

日沒出古城  
野田何茫茫  
寒狐上孤冢  
鬼火燒白楊  
昔人未爲泉  
下客若到此  
中還斷腸

見唐文粹

塞上曲

行人朝走馬  
直走薊城旁  
薊城通漢北  
萬里別吳鄉  
海上烽  
火沙中百戰場  
軍書發上郡  
春色度河陽  
裊裊漢宮柳  
青青地  
桑琵琶出塞

曲橫笛斷君腸

襄陽寒食

煙水初銷見萬家  
東風吹柳萬條斜  
大堤欲上誰相伴  
馬踏春泥半是花

見唐詩類苑

于鵠詩集

東山席氏悉  
本物于樊川  
畫屋



楊少尹詩集目錄

曹 河中 楊 巨源 景山 蕃

秋夜閑居即事寄廬山鄭負外蜀郡符處

士 獨不見

題趙孟莊 辭魏博田尚書出境


後感恩戀德因登聚亭

夏日苦熱同長孫主簿過仁壽寺納涼

送李虞仲秀才歸東都因寄元李二友

和盧諫議朝回書情即事寄兩省閣老兼

奉呈二起居諫院諸院長



詩集

卷

詩集



楊少師詩目  
奉酬竇郎中旦入省苦寒見寄

野園獻果呈負外 大堤曲

楊花落 月宮詞

贈從弟茂卿 烏啼曲贈張評事

端午日伏蒙內侍賜晨服

姬詞 春日有贈

襄陽樂 關山月

長城聞笛 春晚東歸留贈李功

曹 送殷負外使北蕃

送許侍御充雲南哀冊使判官

秋日題陳宗儒圃亭悽然感舊

和鄭少師相公題慈恩寺禪院

同趙校書題普救寺

春日與劉評事過故證上人院

春雪題興善寺廣宣上人竹院

清明日后土祠送田徹

酬令狐負外直夜書懷見寄

題表丈三大夫書齋

春日送沈贊府歸潯陽覬叔文

與李文仲秀才同賦泛酒花詩



登寧州城樓

同薛侍御登黎陽縣

樓眺黃河

和權相公南園閑步

寄廣宣上人

供奉定法師歸安南

池上竹

長安春遊

送定法師歸蜀法師即紅樓院供奉廣宣

上人兄弟

早朝

贈張將軍

和侯大夫秋原山觀

征人回

送人過衛州

寄中書同年舍人

酬于駙馬二首

將歸東都寄令狐舍人

寄江州白司馬

薛司空自青州歸朝

送章孝標校書歸杭州因寄白舍人

述舊紀勲寄太原李光顏侍中二首

酬盧負外

古意贈王常侍

送裴中丞出使

送絳州盧使君

贈李傅

上裴中丞

和人與人分惠賜冰

觀打球有作

蚤春即事呈劉負外

送司徒童子

寄昭應王丞

酬崔博士

酬裴舍人見寄



和劉貞外陪韓僕射野亭公宴

酬崔駙馬惠箋百張兼貽四韻

贈史開封

奉寄通州元九侍御

贈渾鉅中允

重送胡大夫赴振武

送陳判官罷舉赴

奉和裴相公

和大夫邊春呈長安

親故

張郎中段貞外初直

翰林報寄長句

奉酬端公春雪見寄

盧郎中拜陵遇雪蒙見召因寄

冬至陪丘侍御先輩聽崔校書彈琴

元日含光殿下立伏丹鳳樓門下宣赦相

公稱賀

二首

元日觀朝

題賈巡官林亭

和元貞外題昇平里

新齋

送澹公歸嵩山龍潭

寺葬本師

邵州陪王郎中宴

和令狐舍人酬峯上人題山欄孤竹

寄贈田倉曹灣

上劉侍中

贈侯侍御

懷德抒情寄上信州

座主

送杜郎中使君赴虔

州

別鶴詞送令狐校書



之桂府

夏日裴尹負外西齋

看花

贈鄰家老將

和呂舍人喜張負外自北番迴至境上先

寄二十韻

春日奉獻聖壽無疆

十首

啣魚翠鳥

和鄭相公尋宣上人<sub>不遇</sub>

題范陽金臺驛

寄薛侍御

賦得灞岸柳留辭鄭負外

折楊柳

雪中聽箏

盧龍塞行送韋掌記

二首

楊少尹詩集

河中

楊巨源

景山

秋夜閑居即事寄廬山鄭負外蜀郡符

處士

憂思繁未整良辰會無由引領遲佳音星紀屢

以周蓬閔絕華耀况乃處窮愁墜葉寒擁砌燈

火一作光夜悠悠開琴弄清弦窺月俯澄流冉冉鴻

鴈度蕭蕭帷箔秋悵懷石門詠緬慕一作邀碧雞遊

髣髴蒙顏色崇蘭隱芳洲

獨不見



東風艷陽色柳綠花如霰競理同心髮爭持合  
歡扇香傳賈娘手粉離何郎面最恨卷簾時含  
情獨不見

題趙孟莊

管鮑化爲塵交友存如線昇堂俱自媚得路難  
相見懿君敦三益頽俗期一變心同襲芝蘭氣  
令迴霜霰石門雲卧久玉洞花尋遍王濬愛旌  
旗梁竦勞州縣煙鴻秋更遠天馬寒愈健願事  
郭先生青囊書幾卷

辭魏博田尚書出境後感恩慈德因登

藁臺

薦書及龍鍾此事鏤心骨親知殊浪浪一作恨恨徒御

方咄咄

賓朋愴列  
僮僕請行

藁臺邯鄲郭臺上見新月離恨

始分明

更超忽懷仁淚空盡感事情又發

他時躡履聲曉日照丹闕

夏日苦熱同長孫主簿過仁壽寺納涼

火入天地鑪南方正何劇四郊長雲紅六合太  
陽赤赫赫沸泉壑燄燄焦砂石思減祝融權期  
匡諸子宅因投竹林寺一問青蓮客心空得清  
涼理證等喧寂開襟天籟迴步履雨花積微風



楊少尹詩  
動珠簾惠氣入瑤席境閑性方謐塵遠趣皆適  
淹駕殊未還朱欄敞虛碧

送李虞仲秀才歸東都因寄元李二友

高翼閑未倦孤雲曠無期晴霞海西畔秋草燕  
南時鄴中多上才耿耿丹霄姿顧我於逆旅與  
君發光儀同將儒者方獲忝攜一作人知幽蘭與  
芳佩寒玉鏘美詞舊友在伊洛鳴蟬思山陂到  
來再春風夢盡雙瓊枝素業且無負青冥殊未  
遲南橋天氣好脉脉一相思

和盧諫議朝回書情即事寄兩省閣老

兼呈二起居諫院諸院長

寵位資

用回頭憐二疎超遙比鶴性皎潔同

僧居華組澹無累單牀歡有餘題思天風灑屬  
思紅霞舒藹藹延閣東晨光映林初爐香深內  
殿山色明前除對客默焚燦何人知諫書全仁  
氣逾勁大辨言甚徐逸步寄青瑱閑吟親綺疏  
清輝被鸞渚瑞藹含龍渠謝監營野墅陶公愛  
吾廬悠然遠者懷聖代飄長裾端弼緝元化至  
音生太虛一戎殄攬捨重譯充儲胥借地種寒  
竹看雲憶春蔬靈機棲杳冥談笑登軒車晚跡



識麒麟秋英見芙蓉危言直且莊曠抱鬱以摠  
志業耿冰雪光容粲璠璵時賢儼仙掖氣謝心  
何如

奉酬竇郎中早入省苦寒見寄

玄冥怒含風群物戒嚴節空山頑石破幽澗層  
冰裂題詩金華彥接武丹霄烈曠懷玉京雲孤  
唱粉垣雪窮陰總凝沍正氣直肅殺天狼看墜  
地霜兔敢拒穴悠然蓬蒿士亦得奉朝謁羸駮  
苦遲遲單僕怨切切端闈仙堦邃廣陌凍橋滑  
旭日鴛鷺行瑞煙芙蓉闕司寒申鄭重成歲在

凜冽謝監逢酒時素生閉門月漸思霜霰減欲  
報陽和發誰家挾纊心何地當鑪熱慘舒能一  
改恭聽遠者說

野園獻果呈負外

西園果初熟上客心逾愜凝粉乍辭枝飄紅仍  
帶葉幽姿寫瓊實殷彩呈粧頰持此贈佳期清  
芬羅袖裛

大堤曲

二八嬋娟大堤女開壚相對依江渚待客登樓  
向水看邀郎捲幔臨花語細雨濛濛濕芰荷巴



東商侶掛

一作駐

帆多自傳芳酒浣紅袖誰調妍粧

迴翠娥珍簟華燈夕陽後當壚理瑟矜纖手月

落星微五鼓聲春風搖蕩窻前柳歲歲逢迎沙

岸間北人多識綠雲鬟無端嫁與五陵少離別

煙波傷玉顏

楊花落

北斗南迴春物老紅英落盡綠

一作綠

尚早韶風澹

蕩無所依偏惜垂楊作春好此時可憐楊柳花

一作榮

盈艷曳滿人家女兒出羅幙靜掃玉

庭待花落寶環纖手捧更飛翠羽輕裾承不着

歷歷瑤琴舞金陳菲紅拂黛憐玉人更園桃李

芳已歇獨有楊花嬌暮春

月宮詞

宮中月明何所似如積如流滿田地迴過前殿

曾學眉迴照長門慣催淚昭陽昨夜秋風來綺

閣金鋪情影開藻井浮花共陵亂玉階零露相

徘徊稍映明河泛仙馭滿窻猶在更衣處管絃

迴燭無限情環佩憑欄不能去皎皎蒼蒼千里

同穿煙飄葉九門通珠簾欲卷畏成水瑤席初

陳驚似空復值君王事歡宴宮女三千一時見



飛蓋愁看素暈低，稱觴願踏清輝遍。江上無雲  
夜可憐，冒沙披浪自蟬娟。始若共心賞，風流夜那  
比。高高太液前。

贈從弟茂卿

時欲北遊

吾從一作家驥足揚茂卿，性靈且竒才甚清。海內方  
微風雅道，鄴中更有文章盟。扣寂由來在淵思，  
搜竒本自通禪智。王維證時符水月，杜甫狂處  
遺天地。流水東西岐路分，幽州迢遞舊來聞。若  
爲向北驅疲馬，山似寒空塞似雲。

烏啼曲贈張評事

可憐楊葉復楊花，雪淨煙深碧玉家。烏栖不定  
枝條弱，城頭夜半聲啞啞。浮萍流一作搖蕩門前  
水，任罨芙蓉莫墮沙。

端午日伏蒙內侍賜晨服

綵縷織仍麗，凌風卷復開。方應五日至，應自九  
天來。在筭清光發，當軒暑氣迴。遙知及時節，刀  
尺火雲催。

姬詞

妍艷照江頭，春風好客留。當壚知妾慣，送酒爲  
郎羞。香渡傳蕉扇，妝成上竹樓。數錢憐皓腕，非



是不能留

春日有贈

堤暖柳絲斜  
風光屬謝家  
晚心應戀水  
春恨定因花  
步遠憐芳草  
歸遲見綺霞  
由來感情思  
獨自惜年華

襄陽樂

閑隨少年去  
試上大堤遊  
畫角栖烏起  
清絃過客愁  
碑沉楚山石  
珠徹漢江秋  
處處風情好  
盧家更上樓

關山月

蒼茫臨故關  
迢遞照秋山  
萬里平蕪靜  
孤城落葉閑  
露濃栖鴈起  
天遠戍兵還  
復映征西府  
光深組練間

長城聞笛

孤城笛滿林  
斷續共霜砧  
夜月降羌淚  
秋風老將心  
靜過寒壘遍  
暗入故關一作園  
深惆悵梅花落  
山川不可尋

春晚東歸留贈李功曹

芳田岐路斜  
脉脉惜年華  
雲路一作絡青絲騎  
香舍翠幃車  
歌聲仍隔水  
醉色未侵花  
唯有懷鄉客



東飛羨曙鷗

送殷員外使北蕃

二軒將雨露萬里入煙沙和氣生中國薰風屬  
外家塞蘆隨鴈影關柳拂駝花努力黃雲北仙  
曹有雉車

送許侍御充雲南哀冊使判官

萬里永昌城威儀奉聖明冰心瘴江冷霜憲漏  
天晴荒外開亭候雲南降旆旌他時功自許絕  
域轉哀榮

秋日題陳宗儒圃亭悽然感舊

曾隨何水部待月東亭宿今日重凭欄清風空  
在竹前山依舊碧閑草經秋綠時物方宛然蛛  
絲一何速

和鄭少師相公題慈恩寺禪院

舊寺長桐孫朝天是聖恩謝公詩更老蕭傳道  
方尊白法知深得蒼生要重論若爲將此望心  
地向空門

同趙校書題普救寺

東門高處天一望幾悠然白浪過城下青山滿  
寺前塵光分驛道嵐色到人煙氣象須文字逢



君大雅篇

春日與劉評事過故證一作澄上人院

曾共劉諮議同時事道林與君方掩淚來客是  
知心堦雪凌春積鐘煙向夕深依然舊童子相  
送出花陰

春雪題興善寺廣宣上人竹院

皎潔青蓮客焚香對雪朝竹風吹浙瀝花雨讓  
飄飄觸一作灑石和雲積紫池拂水消只應將日月  
顏色不相饒

清明日后土祠送田徹雜詠作澈

清明千萬家處處是年華榆柳芳辰火梧桐今

日花祭雜詠作登祠結雲綺遊陌擁香車惆悵田郎去

原迴煙樹斜

酬令狐員外直夜書懷見寄

花枝暖欲舒粉署夜方初世職推傳盛春刑是  
減餘芸香能護字鉛槧善呈書此地從頭白經  
年望雉車

題表丈三大夫書齋

盛府自蓮花群公是歲華蘭姿丈人圃松色大  
夫家素卷堆瑤席朱絃映絳紗詩題三百首高



韻照春霞

春日送沈贊府歸潯陽觀叔文

潯陽阮咸宅九派竹林前  
花嶼高如浪雲峰遠似天  
江聲在南巷海氣入東田  
才子今朝去風濤思渺然

與李文仲秀才同賦泛酒花詩

若道春無賴飛花合逐風  
巧知人意裏解入酒杯中  
香濕勝含露光搖似泛空  
請君迴首看一作醉眼  
幾片舞芳叢

登寧州城樓

宋玉本悲秋今朝更上樓  
清波城下去此意重悠悠  
晚菊臨杯思寒山滿郡愁  
故關非內地一為漢家羞

同薛侍御登黎陽縣樓眺黃河

倚檻恣流目高城臨大川  
九回紆白浪一半在青天  
氣肅晴空外光翻曉日邊  
開襟值佳景懷抱更悠然

和權相公南園閑步寄廣宣上人

浩氣抱天和閑園載酒過  
步因秋景曠心向晚雲多  
翠玉思迴鳳玄珠肯在鵝  
問一作湯師登幾地



空性奈詩何

供奉定法師歸安南

故鄉南越外萬里白雲峰  
經論辭天去香花入海逢  
鷺濤清梵徹蜃閣化城重心到  
長安陌交州後夜鍾

池上竹

一叢嬋娟色四面清冷波  
氣潤晚煙重光閑秋露多  
翠筠入疎柳清影拂圓荷  
歲晏琅玕實心期有鳳過

長安春遊

鳳城春報曲江頭上客  
年年是勝遊日暖雲山當廣陌  
天清絲管在高樓  
龍葱樹色分仙閣  
縵花香汎御溝  
村壁朱門新邸第  
漢家恩澤問鄴侯

送定法師歸蜀法師即紅樓院供奉處  
宣上人兄弟

鳳城初日照紅樓  
禁寺公卿識惠休  
詩引棣華沾一雨  
經分貝葉向雙流  
孤猿學定前山夕  
猿鴈傷離幾地秋  
空性碧雲無處所  
約公曾許剡溪遊



早朝

鍾聲清禁纔應徹漏報仙闈儼已開雙闕薄煙籠  
苗苗九成初日照蓬萊朝時但向丹墀拜仗下方  
從碧殿迴聖道逍遙更何事願將巴曲贊康哉

贈張將軍

關西諸將揖容光獨立營前紀事作門劍有霜知愛魯  
連歸海上肯令王翦在頻紀事作平陽天晴紅幟當山  
滿日暮清笳入塞長年少功高人最羨漢家壇

紀事作壇煙

樹月

紀事作日

蒼蒼

和侯大夫秋原山觀征人回

兩河戰罷萬方清原上軍回識舊營立馬望雲  
秋塞靜射鵬臨水晚天晴戍閑部伍分岐路地  
遠家鄉寄旆旌聖代止戈資廟略諸侯不復更  
長征

送人過衛州

憶昔征南府內遊君家東閣最淹留縱橫聯句  
長侵曉次第看花直到秋論舊舉杯先下淚傷  
離臨水更登樓相思前路幾回首滿眼青山過  
衛州



寄中書同年舍人

清明紫閣最高峰  
仙掖開簾范彥龍  
五色天書詞煥爛  
九華春殿語從容  
綵毫應染爐煙細  
清珮仍含玉漏重  
二十年前同日喜  
碧霄何路得相逢

酬于駙馬二首

綺陌塵香曙色分  
碧山如畫又逢君  
蛟藏秋月一片水  
驥鎖晴空千尺雲  
戚里舊知何駙馬  
詩家今得鮑參軍  
陽和本是煙霄曲  
須向花間次第聞

芳時碧落心應斷  
今日清詞事不同  
岳草秋殘

仙圃在綵雲天遠  
鳳樓空晴花暖

紀事作曾

送金羈影

涼葉寒

紀事作還

生玉簫風長得聞  
詩歡自足會看春

露濕蘭叢

將歸東都寄

別作令狐舍人

綠楊紅杏滿城春  
一騎悠悠萬井塵  
岐路未閑今日事  
風光欲醉長年人  
閑過綺陌尋高寺  
強對朱門謁近臣  
多病晚來還有策  
雒陽山色舊相親

寄江州白司馬



江州司馬平安否惠遠東林住得無  
湓浦曾聞似衣帶廬峰見說勝香爐  
題詩歲晏離鴻斷望闕天遙病鶴孤  
莫謾拘牽雨花社青雲依舊是前途

薛司空自青州歸朝

天眷君陳大在東歸朝人看大司空  
黃河岸畔長無事滄海東邊獨有功  
已變畏途成雅俗仍過舊里指秋風  
一門累葉凌煙閣次第儀形漢上公

送章孝標校書歸杭州因寄白舍人

曾過靈隱江邊寺獨宿東樓看海門  
潮色銀河鋪碧落日光金柱出紅盆  
不妨公事資高卧無限詩情要細論  
若訪郡人徐孺子應須騎馬到沙村

述舊紀勲寄太原李光顏侍中二首

玉塞

紀事作王舍

含悽見鴈行北垣新詔拜龍驤弟兄

間世真飛將貔虎歸時似故鄉鼓角因風飄朔氣  
旌旗映水發秋光河源收地心猶壯笑向天西  
萬里霜

倚天長劍截雲孤報國縱橫見丈夫五載登壇



真宰相六重分閫正司徒曾聞轉戰平堅寇  
說題詩歷腐儒料敵知機在方寸不勞心力講  
陰符

酬盧負外

謝傅旌旗控上游盧郎罇俎借前籌舜城風土

臨清廟魏國山川在白樓

河城北城有白樓

雲寺當時接高

步水亭今日又同遊滿筵舊府笙歌在獨有羊

曇最後

紀事作淚

流

古意贈王常侍

繡戶紗窓北里深香風暗動鳳皇簪組紉堂在

佳人手刀尺空搖寒女心欲學齊謳逐雲管還  
思楚練拂霜砧東家少婦當機織應念無衣雪  
滿林

送裴中丞出使

一清淮甸假朝綱金印初迎細柳黃辭闕天威  
和雨露出關春色避風霜龍韜何必陳三略虎  
旅由來肅萬方宣諭生靈真重任回軒應問石  
渠郎

送絳州盧使君

應將清淨結心期又共陽和到郡時絳老問年



須筭字庾公逢月要題詩朱欄迢遞因高勝粉  
蝶清明欲下遲他日徵還作霖雨不須求賽敬  
亭祠

贈李傅

知因公望掩能文哲言激明誠在致君曾罷雙旌  
瞻白日猶將一劍許黃雲搖窓竹色留僧語入  
院松聲共鶴聞莫被此心生晚計鎮南人憶杜  
將軍

上張中丞

六年西掖弘湯誥三捷東堂總漢科政引風霜

成物色語回天地到陽和清威更助朝端重聖  
澤曾隨筆下多應笑白鬚揚執戟可憐春日老  
如何

和人與人分惠賜冰

天水藏來玉墮空先頒密署幾人同映盤皎潔  
非資月一作披扇清涼不在風瑩質方從綸閣  
內凝輝更向畫堂中麗詞珍貺難雙有迢遞金  
輿殿角東

觀打球有作

親掃毬場如砥平龍驤驟馬曉光晴入門百拜



瞻雄勢動地三軍唱好聲玉勒回時霑赤汗花  
髮分處拂紅纓欲令四海氛煙靜杖底纖塵不  
敢生

早春即事呈劉員外

明朝晴暖即相隨肯信春光被雨欺且任文書  
堆案上免令杯酒負花時馬蹄經歷應須遍鶯  
語叮嚀已怪遲更待雜芳成艷錦鄴中爭唱仲  
宣詩

送司徒童子

衛多君子魯多儒七歲聞天笑舞雩光彩春風

初轉蕙性靈秋水不藏珠兩經在口知名小百  
拜垂髫稟氣殊况復元侯旌爾善桂林枝上得  
鵷雛

寄昭應王丞

武皇金輅輾香塵每歲朝元及此辰光動泉心  
初浴日氣蒸山腹總成春謳歌已入雲韶曲詞  
賦方歸侍從臣瑞靄朝朝猶望幸天教赤縣有  
詩人

酬崔博士

自知頑叟更何能唯學雕蟲謬見稱長被有情



邀唱和近來無力更祇承青松樹杪三千鶴白  
玉壺中一片冰今日爲君書壁石孤城莫怕世  
人憎

酬裴舍人見寄

誰道重遷是舊班自將霄漢比鄉關二妃樓下  
宜臨水五老祠西好看山再葺吾廬心已足每  
來公府路常閑詩陪亞相逾三紀石笥煙霞不  
共攀

和劉負外陪韓僕射野亭公宴

好客風流玳瑁簪重簷高幕曉沉沉綺筵霜重

旌旗滿玉帳天清絲管聲繁戲徒過魯儒自衆  
歡方集漢廷心寒笳一曲嚴城暮雲騎連嘶香  
外林

酬崔駙馬惠箋百張兼貽四韻

百張雲樣亂花開七字文頭艷錦回浮碧空從  
天上得殷紅應白日邊來捧持價重凌雲葉封  
裏香深笑海苔滿篋清光應照眼欲題凡韻輒

徘徊

一作風韻  
魏凡才

贈史開封

天低荒草誓師壇  
艾心知戰地寬  
鼓角迴臨



霜野曙旌旗高對雪峯寒五營向水紅塵起一  
劍當風白日看曾從伏波征絕域磧西蕃部怯  
金鞍

奉寄通州元九侍御

大明宮殿鬱蒼蒼紫禁龍樓直署香九陌華軒  
爭道路一枝寒玉任煙霜須聽瑞雪傳心語莫  
一作却被啼猿續淚行共說聖朝容直氣期君新歲  
奉恩光

贈渾鉅中允

公子髫年四海聞城南侍獵雪雰雰馬盤曠

弦開月鴈落寒原箭在雲曾向天西穿陣  
遊花下領儒群一枝瓊萼朝光好綵服飄飄從  
冠軍

重送胡大夫赴振武

向年擢桂儒生業今日分茅聖主恩旌旆仍將  
過鄉路軒車爭看出都門人間文武能雙捷天  
下安危待一論布惠宣威大夫事不妨詩思許  
琴樽

送陳判官罷舉赴

練思多時冰雪清拂衣無語別書生莫將甲乙



爲前累不廢煙霄是此行定愛紅雲燃楚色應  
看白雨打江聲心期玉帳親台位魏勃因君說  
姓名

奉和裴相公

竹寺題名一半空衰榮三十六人中在生本要  
求知已垂老應憐值相公敢望燮和迴舊律任  
應時節到春風若爲問得蒼蒼意造化無言自  
是功

和大夫邊春呈長安親故

嚴城吹笛思寒梅二月冰河一半開紫陌詩情

依舊在黑山弓力畏春來遊人曲岸看花發走  
馬平沙獵雪迴旌旆朝天不知晚將星高處近  
三台

張郎中段員外初直翰林報寄長句

秋空如練瑞雲明天上人間莫問程丹鳳詞頭  
供二妙金鑿殿角直三清方瞻北極臨星月猶  
向南班滯姓名啓沃朝朝深禁裏香爐煙外是  
公卿

奉酬端公春雪見寄

造化多情狀物親剪花鋪玉萬重新閑飄上路



呈豐歲狂舞中庭學醉春興逸何妨尋剡客唱  
高還肯寄巴人遙知獨立芝蘭閣滿眼清光歷  
俗塵

盧郎中拜陵遇雪蒙見召因寄

南宮使者有光輝欲拜諸陵瑞雪飛蘋葉已修  
青玉薦柳花仍拂赤車衣應同谷口尋春去定  
似山陰帶月歸寒冷出郊猶未得羨公將事看  
芳菲

冬夜陪丘侍御先輩聽崔校書彈琴  
雪滿中庭月映林謝家幽賞在瑤琴楚妃波浪

天南遠蔡女煙沙漠北深顧盼何曾因誤曲  
勤終是感知音若將雅調開詩興未祇丘遲  
片心

元日含元殿下立仗丹鳳樓門下宣赦

相公稱賀

四字一作  
上相公

二首

天垂台耀掃攬搶壽獻香山

雜咏作  
山青

祝聖明丹

樓

雜咏  
作闕

前歌九奏金雞竿下鼓千聲衣冠南面董

風動文字東方喜氣生從此登封資廟略兩河  
連海一時清

臨軒啓扇似雲收率土朝天劇水流瑞色含春



當正殿香煙捧日在高樓三朝氣早迎恩澤萬  
歲聲長繞冕旒請問漢家功第一麒麟閣上識  
鄧侯

元日觀朝

北極長尊報聖期一作仰周家何用問元龜天顏  
入曙千官拜一作喜元日一作日色迎春萬物知閭闔迴臨  
黃道正衣裳高對碧山垂微臣願獻堯人祝壽  
酒年年太液池

題賈巡官林亭

白鳥剝栖亭樹枝綠樽仍對菊花籬許詢本愛

交禪侶陳實由來是英華好兒明月出雲秋館思  
遠泉經雨夜窻知門前長者無虛轍一片寒光  
動水池

和元貞外題昇平里新齋

自英華知休沐諸幽勝遂肯高齋枕廣衢舊地已  
開新玉圃春山仍展綠雲圖心源邀得閑詩證  
肺氣宜將慢酒扶此外唯應任真宰同塵敢英華  
是道門樞作最

送澹公歸嵩山龍潭寺葬本師

野煙秋水蒼茫遠禪境真機去住閑雙樹爲家



楊少尹詩  
思舊壑千花成塔禮寒山洞宮曾向龍邊宿雲  
徑應從鳥外還莫戀本師金骨地空門無處復  
無關

邵州陪王郎中宴

西塞無塵多玉筵  
貔貅鴛鷺儼相連  
紅茵照水開樽俎  
翠幙當雲發管絃  
歌態曉臨團扇靜  
舞容春映薄衫妍  
魯儒縱使他時有  
不似歡娛及少年

和令狐舍人酬峯上人題山欄孤竹

滿院冰姿粉籜殘  
一莖青翠近簾端  
離叢自欲

親香火抱節何妨共歲寒  
能讓繁聲任真籟解  
將孤影對芳蘭  
范雲許訪西林寺  
枝葉須和彩鳳看

寄贈田倉曹灣

芳蘭媚庭除灼灼紅  
英舒身爲陋巷  
客門有絳轅  
車朝覽夷吾傳  
暮習潁陽書  
眄雲高羽翼待  
價蘊璠璣纓弁雖  
云阻音塵豈復踈  
若因風雨晦應念  
寂寥居

上劉侍中

命代生申甫承家翊禹湯  
廟謨膺間氣師律動



清霜鍾鼎勲庸大山河一作河山誠誓長英姿凌虎視

逸步歷龍驤道協陶鈞力恩回日月光一言弘

社稷九命備珪璋政洽軍逾肅仁敷物已康朱

門重祭戟丹詔半縑緗位總雲一作龍野師臨涿

鹿鄉射鵬天更碧吹角塞仍黃深入平夷落橫

行闢漢疆功垂貞石遠名映色絲香斷一作度碩瞻

貔武臨池識鳳凰舞腰凝綺榭歌響拂雕梁杯

爭傳鸚鵡裘鮮照鸛鷄吟詩白羽扇校獵綠沉

搶風景佳人地煙沙壯士場幙中邀謝鑒一作監麾

下得周郎珠影合空徹瓊枝映座芳王渾知武

子陳寔獎元方富貴春無限歡娛夜未央管絃

隨玉帳樽俎奉金章俗理寧因勸邊城詎假防

軍容雄朔漠公望冠巖廊分野鄰孤島京坻溢

萬箱曙華分碣石秋色入衡陽城遠迷玄兎川

明辨白狼忠賢多感激今古共蒼茫堤擁紅藻

艷橋分翠柳行軒車紛自至亭館鬱相當珍簟

迴煩暑層軒引早涼聽琴知思靜說劍覺神揚

佳景燕臺上清輝鄭驛傍鼓鼙一作鍾喧北里珪玉

映東床敢銜由之瑟甘循賜也墻官微思假路

戰勝忝升堂欲奮三千翼頻迴一夕腸消憂期



酒聖乘興任詩狂海內裁一作分桃李天涯荷一作剪稻

梁昇沉門下意一作客誰道在蒼蒼

贈侯侍御

步逸辭群跡機真結遠心一作機志敦訏揚大雅

映古酌高音逃禍栖蝸舍因醒解豸簪紫蘭秋

露濕黃鶴晚一作曉天陰舊業英華餘荒草寒山出遠

林月明多宿寺世亂重悲琴霄漢時應在詩書

道未沉坐期間闔霽雲暖一開襟時朱泚

懷德杼情寄上信州座主

五馬江天郡諸生淚共垂讌餘明主德恩在侍

臣知悵望緘雙鯉龍鍾假一枝玉峯遥寄夢雲

海暗傷離幢蓋全家去琴書首路隨滄洲值康

樂明月向元規鵷鳳終凌漢蛟龍會出池蕙香

因曙發松色肯寒移舉世瞻風藻當朝揖羽儀

加餐門下意溪水綠逶迤

送杜郎中使君赴虔州

迢遞南康路清輝得使君虎符秋領俗鵷署早

辭群地遠仍連戍城嚴本帶軍傍江低檻月當

嶺滿窻雲境勝閭閻間天清水陸分和詩將惠

政頌述九衢聞



別鶴詞送令狐校書之桂府

海鶴一為別高程方窅然影搖江漢一作海路思結

瀟湘天皎然仰白日真姿栖紫煙舍情九霄際

顧侶五雲前遐心屬清都淒响激朱絃超遙一作搖

間風雨迢遞各山川東南信多水會合當有年

雌一作雄飛喚冥冥此意何由傳

夏日裴尹貞外西齋看花

笑向東一作南來客看花枉在前始知清夏月更勝

艷陽天露濕呈妝汗風吹畏火燃葱蘢和葉盛

爛熳歷枝鮮紅彩當鈴閣清香到玉筵蝶栖驚

曙色鶯語滯一作帶晴煙得地殊堪賞過時倍覺妍

芳菲遲最好唯是謝家憐

贈鄰家老將

白首羽林郎丁年戍朔方陰天瞻磧路秋日渡

遼陽大漠寒山黑孤城夜月黃十年依蓐食萬

里帶金瘡拂雪陳師祭衝風立教場箭飛瓊羽

合旗動火雲張虎翼分營勢魚鱗擁陣行誓心

清塞色鬪血雜沙光戰地晴輝薄軍門曉氣長

寇深爭暗襲關迴勒春防身賤竟何訴天高徒

自傷功成封寵將力盡到貧鄉雀老方悲海鷹



衰却念霜空餘孤劍在開匣一霑裳

和呂舍人喜張貞外自北番迴至境上

先寄二十韻

割愛天文動敦和國步安仙姿歸舊好戎意結  
新歡並命瞻鵠鷺同心捐蕙蘭玉簫臨祖帳金  
榜引征鞍廣陌雙旌去平沙萬里看海雲侵鬢  
起邊月向眉殘突兀陰山迴蒼茫朔野寬毳廬  
同甲帳韋橐比瑠盤義著親

俗儀全識漢官

地鄰冰鼠淨天映燭龍寒節異蘇卿執紵殊蔡  
女彈磧分黃渺渺寒

英華作寒

極黑漫漫歡味羶腥列

徵聲休僭攢歸期先鴈候登路劇鵬搏上客離  
心遠西宮草詔彈麗詞傳錦綺珍價掩琅玕百  
兩開戎壘千蹄入御欄瑞光麟閣上喜氣鳳城  
端尚德曾辭劍柔凶本舞干茫茫斗星北威服  
古來難

春日奉獻聖壽無疆

英華有詞字

十首

文物京華盛謳歌

一作謠

國步康瑤池供壽酒銀漢

麗宸章靈雨

一作雨露

合雙闕雷霆肅萬方代推仙

祚遠春共聖息長鳳宸臨花暖龍鑪傍日香遙  
知千萬歲天意奉君王



鴛鴦彤庭際軒車綺陌前九城多好色一作樂萬井

半祥煙人醉逢堯酒鶯歌荅舜絃花明御溝水

香暖禁城天賜宴文逾盛徵歌一作歡物更妍無窮

艷陽月長照一作奉太平年

雲陛臨黃道天門在碧虛大明含睿藻元氣抱

宸居戈偃征苗後詩傳宴鎬初年華富仙苑時

哲滿公車化入網緼大恩垂渙汗餘悠然萬方

靜風俗揖華胥

玉漏飄青璫金鋪麗紫宸雲山九門曙天地一

家春瑞靄方呈賞暄風本配仁巖廊開鳳翼水

殿歷鰲身文雅逢明代歡娛及賤臣年年未央

闕恩共物華新

垂拱乾坤正歡心品類同紫煙含北極玄澤付

東風珠綴留晴景金莖直曉空發生資盛德交

泰讓全功間氣登三事祥光啓四聰遐荒似川

水天外亦一作朝宗

代是文明晝春當燕喜時爐煙添柳重宮漏出

花遲漢典方寬律周官正採詩碧宵傳鳳吹紅

旭一作日在龍旗造化膺神契陽和沃聖思紀事作慈無因

隨百獸率舞奉丹墀



睿德符玄化芳情翊太和日輪皇鑒遠天仗聖  
朝多曙色合金榜晴光轉玉珂中宮陳廣樂元  
老進賡歌蓮葉看龜上桐花識鳳過小臣空擊  
壤滄海是恩波

物象朝高殿簪裾溢上京春當九衢好天向萬  
方明樂報簫韶發杯看沆漭生芙蓉闕暖楊  
柳玉樓晴閭闔開中禁衣裳儼太清南山同聖  
壽長對鳳皇城

日上蒼龍闕香含紫禁林晴光五雲疊春色九  
重一作天深賞叶元和德文垂雅頌音景雲隨御輦

顥氣在宸襟永保無疆壽長懷不戰心聖朝多  
慶賜瓊樹粉墻陰

化洽生成遂功宣動植知瑞凝三秀草春入萬  
年枝鳳掖嘉言進駕行喜氣隨仗臨丹地近衣  
對碧山垂渥澤方柔遠聰明本聽卑願同東觀  
士一作事長對一作觀漢威儀

銜魚翠鳥

有意蓮葉間滂自然下高樹擘破一作波得全一作金魚  
點翠光去

和鄭相公尋宣上人<sub>不遇</sub>



方尋一作放恣蓮境去又值竹房空幾韻飄寒玉餘清不在風

題范陽金臺驛

六國唯求客千金遂築臺若令逢聖代憔悴郭生回

寄薛侍御

世上無窮事生涯莫廢詩何曾好風月不是憶君時

賦得灞岸柳留辭鄭員外

楊柳含煙灞岸春年年攀折為行人好風倘借

低枝便莫遣青絲掃路塵

折楊柳

一作和練秀才楊柳

水邊楊柳麴塵

一作綠煙

絲立馬煩君折一枝惟有春

風最相惜殷勤更一作肯向手中吹

雪中聽箏

玉柱泠泠對寒雪清商怨徵聲何切誰憐楚客向隅時一片愁心與絃絕

盧龍塞行送韋掌記二首

雨雪紛紛黑水外行人共指盧龍塞萬里飛沙  
歷鼓鼙三軍殺氣凝旌旆



陳琳書記本翩翩料敵能兵奪酒泉聖主好文  
兼好武封侯莫比漢皇年

題五老峰下費君書院

解向花間栽碧松門前不負老人峰已將心事  
隨身隱認得溪雲第幾重

僧院聽琴

一作宿藏公院聽齊孝若彈琴

禪思何妨在玉琴真僧不見聽時音一作離聲怨  
調秋堂夕雲向蒼梧湘水深

和武相公春曉聞鶯

語恨飛遲天欲明殷勤似訴有餘情仁風已及

芳菲節猶向花溪鳴

一作聽幾聲

唐昌觀玉蘂花

晴空素艷照霞新香灑天風不到塵持贈肯聞  
將白雪蘂珠宮上玉花春

山中主人

十里青山有一家翠屏深處更添霞若爲說得  
溪中事錦石和煙四面花

太原贈李屬侍御

路入桑乾塞鴈飛棗郎年少有光輝春風走馬  
三千里不廢看花君綉衣



崔娘詩

清潤潘郎玉不如中庭蕙草雪消初風流才子  
多春思腸斷蕭娘一紙書

題雲師山房

雲公蘭若深山裏月明松殿微風起試問空門  
清淨心蓮花不着秋潭水

城東早春

詩家新景在新春綠柳纔黃半未勻若待上林  
花似錦出門俱是看花人

秋日登亭贈薛侍御

潦倒從軍何取益東西走馬暫同遊梁王舊客  
皆能賦今日因何獨怨秋

石水詞二首

銀罌深鑊貯清光無限來人不得嘗知共金丹  
爭氣力一杯全勝五雲漿

山叟和雲鬪翠屏煎時分日檢仙經天人持此  
扶衰病勝得瑤池水一瓶

荅振武李逢吉判官

近來時輩都無興把酒皆言肺病同唯有單于  
李評事不將華髮負春風



宮燕詞

毛衣似錦語如絃日暖爭高綺陌天幾處野花  
留不得雙雙飛向御爐前

贈崔駙馬

百尺梧桐畫閣齊簫聲落處翠雲低平陽不惜  
黃金埒細雨花驄踏作泥

聽李憑彈箏篴二首

聽奏繁絃玉殿清風傳曲度禁林明君王聽樂  
梨園暖翻到雲門第幾聲

花咽嬌鶯玉漱泉名高半在御筵前漢王欲助

樂從還新聲墜九天

臨水看花

紅花映綠波清明騎馬好經過今朝豈計  
風吹落聞道蕭郎最惜多

觀妓人入道二首

荀令歌鍾北里亭翠娥紅粉敞雲屏舞衣施盡  
餘香在今日花前學誦經

碧玉芳年事冠軍清歌空得隔花聞春來削髮  
芙蓉寺蟬鬢臨風墮綠雲

方城驛逢孟侍御



走馬溫湯直隼飛相逢矍鑠理征衣軍中得力  
兒男事入驛從容見落暉

題清凉寺

憑檻霏微松樹煙陶潛曾用道林錢一聲寒磬  
空心曉花雨知從第幾天

酬令狐舍人

曉禁蒼蒼換直還暫低鸞翼向人間亦知受業  
公門事數仞丘壻不見山

和令狐郎中

頗詩一代占清機秉筆三年直紫微自稟道情

齟齬異不同蘧玉學知非

補遺

失題

何事慰朝夕不踰詩酒情山河空道路蕃漢共  
刀兵禮樂新朝市園林舊弟兄向風一點淚塞

晚暮江平

見唐詩紀事

春日題龍門香山寺

衆香天上梵王宮鐘磬寥寥半碧空清景乍開  
松嶺月亂流長響石樓風山河杳映春雲外城  
闕參差曉樹中欲盡出尋那可得三千世界本



無窮

見唐詩類抄

寄申州盧拱使君

領郡仍聞總虎貔致身還是見男兒小船隔水  
催桃葉大鼓當風舞柘枝酒坐微酣諸客倒毬  
場慢撥幾人隨從來樂事憎詩苦莫放窓中遠

岫知

見唐詩類苑

楊少尹詩集

歐陽助教詩集卷首

傳略 論說附

歐陽詹字行

州晉江人其先皆為本州州

之縣今岡越地肥衍有山泉禽魚雖能通文書

夫事不肯出仕及常袞罷相為觀察使始擇縣

鄉秀民能文辭者與為賓主鈞禮觀游饗集必

與里人矜耀故其俗稍相勸仕初詹與羅山甫

隱潘湖往見袞袞奇之辭歸泛舟飲餞舉進士

與韓愈李翺李絳皆聯第皆天下選時稱龍虎

榜閩人第進士自詹始詹事父母孝與朋友信



義其文章切深回復明辨與愈友善詹先為國  
子監四門助教率其徒伏闕下舉愈博士卒年  
四十餘詹羣哭之甚愈為詹哀辭自書以遺羣

朱祁唐書

二七新傳

飛曰退之作哀辭其詞稱詹甚美大意謂  
詹竟舉京師將以為父母榮也又云其德行  
信於朋友而唐小說載詹惑太原一妓賦高  
城已不見況復城中人之詩卒為之死今  
中亦載焉若然則詹之志豈在其父母哉有  
德行者乃爾邪陳氏曰李翱作傳集中不載

其序福唐廉使李貽孫所作詹之為人哀  
辭可信黃璞何人斯乃有太原函髡之謗好  
事者喜傳之不信愈而信璞異哉通考集十  
卷八刻詩一卷



歐陽助教詩集目錄

晉江 歐陽 行周

東風二章 有序 有所恨二章 有序

李評事公進示文集以詩贈之

蜀中將迴留辭韋相公

太原旅懷呈薛十八侍御齊十二奉禮

初發太原塗中寄太原所思

詠德上韋簡察 寓興

自懷州却赴洛塗中作

晨裝行 江夏留別辛三十時



自襄陽同舟而下予歸閩卒從此赴舉  
徐十八晦落第

陵

送袁秀才下第歸毗

思

聞鄰舍唱涼州有所

大親

春日塗中寄故園所

題嚴光釣臺

銅雀妓

師

福州送鄭楚材赴京

送潭州陸戶曹之任

戶曹自處州司倉除

同諸公過福先寺律院宣上人房

益昌行

有序

附錄原詩

翫月詩

韓愈賦得秋河曙耿耿送郭秀才赴舉

汝川行

許州道中

智達上人水晶念珠歌

陪太原鄭行軍中丞登汾上閣

送少微上人歸德峯

荆南夏夜水樓懷昭丘直上人雲夢李莘

送高士安下第迴岷南寧親

酬裴十二秀才孩子歌

旅次舟中對月寄姜公



除夜長安客舍

早秋登慈恩寺塔

太原和嚴長官八月十五日夜西山童子

上方翫月寄嚴中丞少尹

九日廣陵同陳十五先輩登高懷林十二

先輩

御溝新柳

和嚴長官秋日登太原龍興寺閣野望

元日陪早朝

述德上興元嚴僕射

詠德上太原李尚書

及第後酬故園親友

題華十二判官汝州宅內亭

有序

奉和太原鄭中丞登龍興寺閣

薛舍人使君觀察韓判官侍御許雨晴到

所居既霽先呈即事

讀周太公傳

蜀門與林蘊分路後

屢有山川似閩中因寄林蘊蘊亦閩人

也

述德上興元嚴僕射

許州送張中丞出臨潁鎮

樂津店北陂

覩亡友李三十觀秭

歸鎮壁題詩處

題秦嶺

自南山却赴京師石臼嶺頭即事寄嚴僕



射

與洪孺卿自梁州迴  
塗中經駱谷見野果有閩中懸壺子既  
因採摘用呈之洪亦閩人

出蜀門

韋晤宅聽歌

與林蘊同之蜀塗次嘉陵江認得越鳥聲

呈林林亦閩人也

送聞上人遊嵩山 承安寺照上人房

山中老僧

贈魯山李明府

泉州赴上都洛陽亭留別舍弟及故人  
送張驃騎邠寧行營

題梨嶺

題第五司戶侍御

秋夜寄弘濟上人

觀送葬

宿建溪中霄即事

建溪行待陳詡

題王明府郊亭

塞上行

回別業留別郭中諸公

九日廣陵登高懷邵二先輩

除夜侍酒呈諸兄示舍弟

題延平劍潭

曉泊漳州營頭亭

贈山南嚴兵馬使



歐陽助教詩集目錄

Table with multiple columns containing faint, mostly illegible text, likely a detailed index or list of poems. The text is very light and difficult to read accurately.

歐陽助教詩集

晉江 歐陽 詹 行周

東風二章 有序

東風美隴西公也貞元十二年相國東都守隴

西董公牧于浚浚軍自勦淮夷二孽 靈曜 希烈矜功

多悖師用匪律人亦由殘隴西公和為謀輿仁

為化車既去兇渠黎眊以蘇東風解凝發蟄之

不若作東風詩二章首美去兇渠也其卒章美

蘇眊也

東風叶時匪沃匪飄莫雪凝川莫陰洹郊朝不



後夕乃銷東風之行地上兮上德臨慝匪戮匪  
梟莫暴在 莫醜在階以踣以殲夕不後朝隴  
西公來浚都兮

東風叶時匪鑿匪穢莫蟄在泉莫枯在條宵不  
後晨乃繇東風之行地上兮上德為政匪食音寺  
匪招莫顧于家莫流于遼以飽以迴晨不後宵  
隴西公來浚都兮

有所恨二章 有序

有所恨由故人馬紳死而興也予待試京師六  
年與馬生相知者四秋性與情相合也衣與食

相同也予及第歸覲故材自別來無憶不至于  
襟懷無想不至于姿容願一促膝怒如也昨既  
至止馬生且疾而巫者忌以見人曰不見有愈  
見則害遂忍即見庶以求見忍者五日馬生云  
亡噫故人也昔越萬里猶求見焉惑乎一言蔽  
乎一垣而死生以之死生之道千秋之離也五  
口之面半旬之歡也尚可半旬之歡不就而卒  
有千秋之離一恨也又與生別摻執都門生脫  
紫羅半臂曰即日相去秦吳聊以為憶予貧也  
素乏衣服無暇藏篋笥聯綿在身二年間同幣



帛以棄所以新而輕著故而不留者予實未衰  
馬其方少爾斯謂日相與也所留何止在茲乎  
今人既往所贈又造次而亡之二恨也申二恨  
爲有所恨二章云

相思君子吁嗟萬里亦既至止曷不覲止本不  
信巫謂巫言是履在門五日如待之死有所恨  
兮  
相思遺衣爲憶以貽亦既受持曷不保持本不  
斯友謂友情是違隔生之贈造次亡之有所恨  
兮

李評事公進示文集以詩贈之

風雅不墜地五言始君先希微嘉會章杳冥河  
梁篇理蔓語無枝言一意則于往來更後人澆  
蕩醜前源傾筐實不收樸檄華爭繁大教護微  
旨哲人生令孫高颺激頽波坐使橫流翻昔日  
越重阻側聆滄海傳逮茲覲清揚幸覩青琅編  
泠泠山中醇片片崑山璠一杯有餘味再覽增  
光鮮對寶豈皆鑑握鞶良自研吾其告先師六  
義今還全

蜀中將迴留辭韋相公

貫之



寧體則雲構方前恒玉食貧居豈及此要自懷  
歸憶在夢關山遠如流歲華逼明晨首鄉路迢  
遞孤飛翼

太原旅懷呈薛十八侍御齊十二奉禮  
前來稱英俊有食主人魚後來曰賢才又受主  
人車伊余亦投刺恩煦胡彫踈既覩主人面又  
獻主人書餬口百家周賃廡三月餘眼見寒序  
臻坐使秋光除西日怒飢腸北風集絺裾升堂  
有知音此意當何如

初發太原途中寄太原所思

驅馬覺漸遠迴頭長路塵高城已不見況復城  
中人去意自未甘居情諒猶辛五原東北晉千  
里西南秦一屨不出門一車無停輪流萍與繫  
匏早晚期相親

詠德上韋簡察

即韋相之弟也名纁

少華類太華太室似少室亞相與丞相亦復無  
異質渟如月臨水瀟若松照日輝影互光澄陰  
森兩葱鬱連枝鸞鳳下同氣龜龍出併力革夷  
心通籌整師律英豪願迴席蠻貊皆屈膝中外  
行分途寰瀛溥清謚



國陽詹言  
寓興

桃李有奇質樗櫟無妙姿皆承慶雲沃一種春  
風吹美惡苟同歸喧囂徒爾為相將任玄造聊  
醉手中卮

自懷州却赴洛途中作

惆悵策疲馬孤蓮被風吹昨今今又西冉冉長  
路岐歲晚樹無葉夜寒霜滿枝依人恒辛苦冥  
莫天何知

晨裝行

村店月西入山枝鳴鳩聲求燈徹夜席束囊事

晨征寂寂人尚眠悠悠天未明豈無偃息心所  
務前有程

江夏留別辛三十時自襄陽同舟而下

予歸閩辛從此赴舉

弭棹已傷別不堪離緒催十年一心人千里同  
舟來鄉路予尚遠客程君未迴將何慰兩端互  
勉臨岐材

徐十八晦落第

嘉穀不夏熟大器當晚成徐生異凡鳥安得非  
時鳴汲汲有攸為驅驅本無情懿哉蒼梧鳳終



見排雲征

送袁秀才下第歸毗陵

羸馬出都門修途指江東關河昨夜雨草木非  
春風矢捨雖未中璞全終待攻層霄秋可翔豈  
不隨高鴻

聞隣舍唱涼州有所思

有善伊涼曲離別在天涯虛堂正相思所妙發  
鄰家聲音雖類聞形影終以遐因之增遠懷惆  
悵菖蒲花

春日途中寄故園所親

客路度年華故園未云返悠悠去源水日日祗  
有遠始歎秋葉零又看青春晚寄書南飛鴻相  
憶劇鄉縣

銅雀妓

蕭條登古臺回首黃金屋落葉不歸林高陵永  
爲谷裝容徒自麗舞態閱誰目嗚咽總帷前歌  
聲苦于哭

題嚴光釣臺

弭棹歷陳迹悄然關我情伊無昔時節豈有今  
時名辭貴不辭賤是心誰復行欽哉此溪曲永



獨英風聲

福州送鄭楚材赴京師

時監察劉公亮  
有感激鄭意

美人河岳靈家本滎水濱門承若蘭族身韞如  
瓊文早折青桂枝俯窺鴻鵠羣爾來丹霄姿遠  
逐蒼梧雲有伊光鑒人惜茲瑤蕙薰中酣前激  
昂四座同氛氲海郡梅霏晴山郵炎景曛迴翔  
罷南遊鳴啖期西聞秦寒鸞鳳征越江雲雨分  
從茲一別離佇致如堯君

送潭州陸戶曹之任戶曹自處州司倉

除

三語又爲椽大家聞屈聲多年名下人四姓江  
南英衡嶺半天秀湘潭無底清何言驅遠車去  
有蒙莊情

同諸公過福先寺律院宣上人房

律座下朝講晝門猶掩關叨同靜者來正值高  
雲閑寂爾方丈內瑩然虛白間千燈智慧心片  
玉清羸顏松色落深井竹陰寒小山晤言流曦  
晚惆悵歸人寰

益昌行

有序

貞元年中天子以工部郎中興元少尹吳興沈



公長源牧利州其為政五年予旅遊由于利都  
人安俗阜欽所以美作詩一章利州故益昌郡  
也目曰益昌行

驅馬至益昌倍驚風俗和耕夫壟上謠負者途  
中歌處處川復原重重山與河人煙徧餘田時  
稼無閑坡問業一何修太守德化加問身一何  
安太守恩懷多賢哉我太守在古無以過愛人  
甚愛子理邦如理家雲雷既奮騰草木遂萌芽  
乃知良二千德足為國華今時固精求漢帝非  
徒嗟四氣有青春衆植佇揚葩期當作說霖天

下同滂沱

翫月詩 并序

月可翫翫月古也謝賦鮑詩眺之庭前亮之樓  
中皆翫也貞元十二年歐閩君子陳可封在秦  
寓于永崇里華陽觀予與鄉故人安陽邵楚萇  
濟南林蘊穎川陳詡亦旅長安秋八月十五日  
夜詣陳之居修厥翫事月之為翫冬則繁霜太  
寒夏則蒸雲太熱雲蔽月霜侵人蔽與侵俱害  
乎翫秋之于時後夏先冬八月之于秋季始孟  
終十五于夜又月之中稽于天道則寒暑均取



于月數則蟾兔圓況埃壒不流太空悠悠嬋娟  
徘徊桂華上浮升東林入西樓肌骨與之疏涼  
神魂與之清冷四君子悅而相謂曰斯古人所  
以爲翫也既得古人所翫之意宜襲古人所翫  
之事乃作翫月詩  
八月三五夕舊嘉蟾兔光斯從古人好共下今  
宵堂素魄皎孤凝芳輝紛四揚徘徊林上頭泛  
灑天中央皓露助流華輕飈佐浮涼清冷到肌  
骨潔白盈衣裳惜此苦宜翫攬之今可將含情  
顧廣庭願勿沈西方

荅韓十八駕驥吟

故人舒其憤作爾駕驥篇駕取易售陳驥以難  
知言委曲感既深咨嗟詞亦殷伊情有遠瀾余  
志遊其源室在周孔堂道適堯舜門調雅聲寡  
同途遐勢難翻顧茲萬恨來假彼二物云賤貴  
而貴賤世人良共然芭蕉一葉妖茂葵一花妍  
異無材實資手植階墀前榷楠十圍瑰松柏百  
尺堅罔念棟梁功野長丘墟邊傷哉昌黎韓焉  
得不迤邐上帝本厚生大君方建元實將庇羣  
眊庶此規崇軒班爾圖永安掄擇其精專君看



廣廈中豈有庭前萱

附錄

韓愈

駑駘誠齷齪市者何其拙力小苦難制價微  
良易酬渴飲一斗水飢食一束芻嘶鳴當大  
路志氣若有餘騏驥生絕域自矜無匹儔驅  
牽入市門行者不得留借問價幾何黃金比  
嵩丘借問行幾何咫尺視九州飢食玉山禾  
渴飲醴泉流問誰能爲御曠世不可求惟昔  
穆天子乘之極遐遊王良執其轡造父挾其  
輶因言天外事恍惚使人愁駑駘謂騏驥誠

死余爾羞有能必見用有德必見收孰云時  
與命通塞皆自由騏驥不敢言低徊但垂頭  
人皆劣騏驥共以駑駘優喟余獨興歎才命  
不同謀寄詩同心子爲我高聲謳

賦得秋河曙耿耿送郭秀才赴舉

月没天欲明秋河尚凝白皚皚積光素耿耿橫  
虛碧南斗接北辰連空濛鴻同浮高天蕩蕩漫  
漫皆晶然實類平蕪流大川星爲潭底珠雲是  
波中煙雞鳴漏盡東方作空曲蒼蒼曉煙落鴈  
叫疑從清淺驚鴈聲似在沿洄泊并州細侯直



下孫才鷹秋賦懷金門念排雲漢將飛翻仰之  
踊躍當華軒夜來陪餞歐陽子偶坐通宵見深  
旨心知慷慨日昭回前程志在青冥裏

汝川行

汝墳春女蠶忙月朝起採桑日西沒輕綃羃露  
紅羅襪半蹋金梯倚枝歇垂空玉腕若無骨映  
葉朱脣似花發相歡誰是遊冶郎蠶休不得岐  
路旁

許州道中

秦川行盡潁川長吳江越嶺已同方征途渺渺

煙茫茫未得還鄉傷近鄉隨萍逐梗見春光行  
樂登臺鬪在旁林間啼鳥野中芳有似故園皆  
斷腸

智達上人水精念珠歌

水已清清中不易當其精精華極何宜更復加  
磨拭良工磨拭成貫珠泓澄洞澈看如無星輝  
月耀莫之逾駭雞照乘徒稱殊上人念佛泛真  
諦一佛一珠以爲計旣指其珠當佛身亦欲珠  
明佛像智咨董母訪朱公得之玃礫羣音中龍  
龕鷲嶺長隨躬朝自守持纖掌透夜來月照紅



條空窮川極陸難為寶孰說車渠將瑪瑙連連  
寒溜下陰軒熒熒泣露垂秋草皎晶晶彰煌煌  
陸離電燧紛不常凌眸暈目生光芒我來借問  
修行術數日殷勤羨茲物上人視日授微言心  
淨如斯即是佛

陪太原鄭行軍中丞登汾上閣

中丞詩曰  
汾樓秋水

潤宛似到閨門惆悵江湖思惟將南  
客論南客即詹也輒書即事上荅

并州汾閣上登望似吳閭貫郭河通路縈村水  
逼鄉城槐臨枉渚巷市接飛梁莫論江湖思南  
人正斷腸

送少微上人歸德峯

不負人間累棲身任所從灰心聞密行菜色見  
羸容幻世方同悟深居願繼蹤孤雲與禪誦別  
後在何峯

荆南夏夜水樓懷昭丘直上人雲夢李  
莘

無機成旅逸中夜上江樓雲靜月如練水涼風  
似秋鳧聲聞夢澤黛色上昭丘不遠人情在良  
宵恨獨遊

送高士安下第迴岷南寧親



偕隱有賢親岷南四十春棲雲自匪石觀國暫  
同塵就養思兒戲延年愛鳥伸還看謝時輩又  
作潁陽人

酬裴十二秀才孩子詠

裴拜曰待看成器  
後折取桂枝餘

笑日未成年英姿已衰然王家千里後荀氏八  
龍先葱蒨松猶嫩清明月漸圓將何一枝桂容  
易賞名賢

旅次舟中對月寄姜公

此公丁泉  
州門客

中宵天色淨片月出滄洲皎潔臨孤島嬋娟入  
亂流應同故園夜獨起異鄉愁那得休蓬轉從

君上庾樓

除夜長安客舍

仍寢如流歲又遷望家思獻壽笑甲恨  
長年虛牖傳寒柝孤燈照絕編誰應問窮轍泣  
盡更潸然

早秋登慈恩寺塔

寶塔過千仞登臨盡四維毫端分馬頰墨點辨  
蛾眉地迴風彌緊天長日久遲因高欲有賦遠  
意慘生悲

太原和嚴長官八月十五日夜西山童



子上方翫月寄嚴中丞少尹

西寺碧雲端東溟白雪團年來一夜翫君在半  
天看素魄當懷上清光在下寒宜裁濟江什有  
阻惠連歡

九日廣陵同陳十五先輩登高懷林十

二先輩

客路重陽日登高寄上樓風煙今令節臺閣古  
雄州泛菊聊斟酒持萸懶插頭情人共惆悵良  
久不同遊

御溝新柳

貞元八年  
及第省試

東風韶景至垂柳御溝新媚作千門秀連為一  
道春柔萋生女指嫩葉長龍鱗舞絮迴青岸翻  
煙拂綠蘋王孫初命賞楚客欲傷神芳意堪相  
贈一枝光遠人

和嚴長官秋日登太原龍興寺閣野望  
百文化城樓君登最上頂九霄迴棧路八到視  
并州煙火遺堯庶山河啓聖猷短垣齊介嶺片  
帛指汾流清鐸中天籟哀鴻下界秋境閑知道  
勝心遠見名浮豈念乘肥馬方應駕大牛自憐  
蓬逐吹不得與良遊



元日陪早朝

斗柄東迴歲又新  
邃旒南面挹來賓  
和光鬚髯樓臺曉  
休氣氤氳天地春  
儀籥不惟丹穴鳥  
稱觴半是越裳人  
江臯芳草今何幸  
亦與恆星拱北辰

述德上興元嚴僕射

山橫壁立並雄岷  
大阜洪川共降神  
心合雲雷清禍亂  
力迴天地作陽春  
非熊德愧當周輔  
稱傑叨慙首漢臣  
何幸腐儒無一藝  
得爲門下食魚人

詠德上太原李尚書

那以公方郭細侯  
并州非復舊并州  
九重帝宅司丹地  
十萬兵樞擁碧油  
鏘玉半爲趨閣吏  
腰金皆是走庭流  
王褒見德空知頌  
身在三千最上頭

及第後酬故園親友

才非天授學非師  
以此成名曩豈期  
楊葉射頻因偶中  
桂枝材美敢當之  
稱文作藝方慙德  
相賀投篇料媿詞  
猶著褐衣何足羨  
如君即是載鳴時



題華十二判官汝州宅內亭

有序

覩居處翫好則才不才了然可知如華斯亭華  
豈常人歟規畫既高圻填有潔媚以花草清以  
竹木綺芻菴澹琅玕森然牆外人寰入門雲林  
使人心以之閑神以之遠華朝于斯夕于斯心  
不朗神不王其可得乎則虛廓其靈恬淡其性  
由才不才矣非逃名遠世方曰冥搜賢哉華未  
展襟懷視于斯則昭然在前矣予既遊且尚詩  
以美之衆君子其以爲然亦宜相廣  
高居勝景誰能有佳意幽情共可歡新柳搖門

青翡翠修篁浮徑碧琅玕步兵阮籍空除屏彭  
澤陶潛謾挂冠只在城隍也趨府豈知吾子道  
斯安

奉和太原鄭中丞登龍興寺閣

青窻朱戶半天開極目凝神望幾迴晉國頽墉  
生草樹皇家瑞氣在樓臺千條水入黃河去萬  
點山從紫塞來獨恨侍遊違長者不知高意是  
誰陪

薛舍人使君觀察韓判官侍御許雨晴

到所居既霽先呈即事



江臯昨夜雨收梅

江南夏雨曰梅

寂寂衡門與釣臺西島

落花隨水至前山飛鳥出雲來觀風駟馬能言

駐行縣雙旌許暫迴豈不偶然聊為竹空令石

逕掃莓苔

讀周太公傳

論兵去商虐講德興周道屠沽未遇時豈異茲

村老

蜀門與林蘊分路後屢有山川似閩中

因寄林蘊蘊亦閩人也

村步如延壽川源似福平

延壽福平皆閩中川源之名延壽即蘊之別墅在焉福平

即予之別墅在焉

無人相與識獨自故鄉情

述德上興元嚴僕射

推車闔外主恩新今日梁川草徧春玉色據鞍

雙節下揚兵百里路無塵

許州送張中丞出臨潁鎮

心誦陰符口不言風驅千騎出轅門孫吳去後

無長策誰敵留侯直下孫

樂津店北陂

嬋娟有麗玉如也美笑當予繫予馬羅幃碧簟

豈相容行到山頭憶山下



觀亡友李三十觀秭歸鎮壁題詩處  
舊友親題壁上詩傷春緣跡不緣詞門前猶是  
長安道無復回車下筆時

題秦嶺

南下斯須隔帝鄉北行一步掩南方悠悠煙景  
兩邊意蜀客秦人各斷腸

自南山却赴京師石臼嶺頭即事寄嚴

僕射

鳥企蛇盤地半天下窺千仞到浮煙因高迴望  
沾恩處認得梁州落日邊

與洪孺卿自梁州迴途中經駱谷見野  
果有閩中懸壺子旣因採摘用呈之

洪亦閩人

青袍朱實忽離離摘得盈筐淚更垂上德同之  
豈無意故園山路一枝枝

出蜀門

北客今朝出蜀門脩然領得入時魂遊人莫道  
歸來易三不曾聞古老言

韋晤宅聽歌

服製虹霓鬚似雲蕭郎屋裏上清人等閑逐酒



傾盃樂飛盡虹梁一夜塵  
與林蘊同之蜀途次嘉陵江認得越鳥  
聲呈林林亦閩人也

正是閩中越鳥聲幾迴留聽暗沾纓傷心激念  
君深淺共有離鄉萬里情

送聞上人遊嵩山

二室峯峯昔願遊從雲從鶴思悠悠丹梯石磴  
君先去爲上青冥最上頭

承安寺照上人房

草席蒲團不埽塵松間石上似無人羣陰欲午

鐘聲動自煮溪蔬養幻身

山中老僧

笑向來人話古時繩牀竹杖自扶持秋深頭冷  
慵將剃白黑蒼然髮到眉

贈魯山李明府

外戶通宵不閉關抱孫弄子萬家閑若將邑號  
稱賢宰又是皇唐李魯山

泉州赴上都洛陽亭留別舍弟及故人

天長地濶多岐路身即飛蓬共水萍疋馬將驅  
豈容易弟兄親故滿離亭



送張驃騎邠寧行營

寶馬雕弓金僕姑  
龍驤虎視出皇都  
揚鞭莫怪輕胡虜  
曾在漁陽敵萬夫

題梨嶺

南北風煙即異方  
連峯危棧倚蒼蒼  
哀猿咽水偏高處  
誰不沾衣望故鄉

題第五司戶侍御

曾稱野鶴比羣公  
忽作長松向府中  
驄馬不騎人不識  
泠然三尺別生風

秋夜寄弘濟上人

尚被浮名誘此身  
今時誰與德為鄰  
遙知是夜檀溪上月照  
千峯爲一人

觀送葬

何事悲酸淚滿巾  
浮生共是北邙塵  
他時不見北山路  
死者還曾哭送人

宿建溪中宵即事

蔭翳一席眠還坐  
蛙噪螢飛夜未央  
僮僕舟人空寂寂  
隔簾微月入中倉

建溪行待陳詡

予先發福州陳詡發中路待之不得

偕行那得會心期  
先者貪前後者遲  
空憶麗詞



能狀物每看竒異但相思

題王明府郊亭

日日郊亭啓竹扉論桑勸稼是常機山城要得  
牛羊下方與農人分背歸

塞上行

聞說胡兵欲利秋昨來投筆到營州驍雄已許  
將軍用邊塞無勞天子憂

回別業留別郭中諸公

千山江上背斜暉一徑中峯見所歸不信扁舟  
迴在晚宿雲先已到柴扉

九日廣陵登高懷邵二先輩

簪萸泛菊俯平阡飲過三杯却惘然十歲此辰  
同醉友登高各處已三年

除夜待酒呈諸兄示舍弟

莫嘆明朝又一春相看堪共貴茲身悠悠寰宇  
同今夜膝下傳杯有幾人

題延平劍潭

想象精靈欲見難遙津一去水漫漫空餘昔日  
凌霜色長與澄潭白晝寒

曉泊漳州營頭亭



迴峯疊嶂遶亭隅數點煙霜勝畫圖日暮華軒  
卷長箔太清雲上送蓬壺

贈山南嚴兵馬使

即僕射堂弟也

為鴈為鴻弟與兄如鷗如鷺傑連英天旋地轉  
煙雲黑共鼓長風六合清

歐陽助教詩集



